

Գիրքը լուսապատճենահանվել է
"Համահայկական Էլ. Գրադարան"

կայքի՝ www.freebooks.do.am

կողմից և ներկայացվում է իր
այցելուների ուշադրությանը:

The book created by "PanArmenian E. Library"



Գիրքը կարող է
օգտագործվել միայն ընթերցանության համար...

For more info: www.freebooks.do.am

Library

ՂԱԻՔ ԱՌԻՅՆՈՍԻ ԿԱՐՈՂ ԵՔ ՁՅԻ ՆՅՐԿՈՒՄՆ ԱՐԿԵԱՆ, ՀԱՅԱՍՏԱՆ
ԳՐԱԿԱՆՈՒԹՅԱՆ ՏԱՐԱԾՄԱՆ ԳՈՐԾՈՒՄ ԵՎ ԻՆՏԵՐՆ
ՀՈՒՄԱՆՈՍՏՆԵՐԱԶՄԵՆԻ ԳՐԹԵՐ:

ԹԿՈՅՆ ԳՐԹԵՐԻ ՄՏԵՂԾՄԱՆ ՄԱՆՐԱՄԱՍՆԵՐԸ ԿԱՐՈՂ ԵՔ
ԻՄԱՆԱԼ "ՀԱՄԱՀՈՅՈՒՄԱԿԱՆ ԷԼԵԿՏՐՈՆԱՅԻՆ ԳՐԱԿՈՐՄԱՆ" ԿՈՅՔԻՆ՝

www.freebooks.am

ԸՆԴՈՂՆԱԿԱԼ ԵՒՔ, ԱՐ ՕԳՏՎՈՒՄ ԵՔ ՄԵՂ ԿՈՅՔԻՆ:
ՑԱՆՎԱԿՈՒՄ ԵՒՔ ՀԱՃԵՐԻ ԸՆԹԵՐՑԱՆԱԿՈՒԹՅՈՒՆ:



ԳՐԵՔ ՄԵՁ՝ freebooks@rambler.ru

ԼՍՈՂԻԿ

ՄԵՍՐՈՊ
ԼԵՏՈՅ



U d X A
P P U U
Q L 3 4
T H U S
E O C P
R 4 N 8
F < 2 P
P 2 7 P
P 7 2 P

Սոյն գիրքը հրատարակուեց մեկենասութեամբ
Մեծայարգ Տիար Ռուդիկ Բալասանեանի
Ի յիշատակ իր հանգուցեալ մօր՝ բարեպաշտուհի
Ովսաննա Բակունցի

Նկարիչ՝ Խորեն Հակոբյան

ԱՄՈՂԻԿ

ՄԵՆՍՈՒՄ
ՄԵՆՍՈՒՄ

ԴՈՆՄ



ԵՐԵՎԱՆ, «ԱՐԵՎԻԿԱ»
1991

ՄԱՍԻՔԻ

Երգեցէք որդիք երգ նոր ցնծութեան,
Քանզի մեզ այսօր ամուլ արգանդից
Ծնուեց սրբօրէն մի մանուկ արդար ..
Եւ տուք օրհնութիւն, որդիք հայկազեան,
Զի ծնաւ մարմնով, որ մեզ պարգեւի
Հոգի զուարթուն, միտք մեծապայծառ:

Այսօր մեզ ծագեաց լոյսը երկնային,
Այսօր լրացաւ խոստումն հայրական
Այսօր մեզ ծաղկեաց յարմատոյն հայկեան
Ճիւղը բողբոջուն՝ մարմնով սլացիկ,
Ծաղիկն հայրածին մաքրազարդ փայլով,
Իր հրաշագեղ կախարդիչ բոյրով.

Յար զուարճացիր, երկիր հայկազեան
Եւ դու խնդա յոյժ, Տարօնոյ աշխարհ
Բարեբանեցէք հոգեւոր երգով—
Երջանիկ որդու ծնունդը անճառ,
Որ մեզ պարգեւեց լոյսի առաւօտ
Եւ արեգակի շող զուարթարար



ՄԻՏՔ

- Փանք ամենազօր հանճարիդ գիւտին,
- Փանք ամենասուրբ ուսուցչիդ գործին
Ով դու սուրբ հանճար,
Ով Տարօնածին հայոց մեծ փրկիչ,
Որ արժանապէս անսկզբնականը
Դարձրիր սուրբ Սկիզբ
Եւ այդ սկիզբով դու արբեցրիր քո մանուկներին,
Որ կարօտ էին ուսման կրակին
Բերկրեցրիր նրանց՝ փրկչական կանչով,
Գերեցիր նրանց՝ քաղցրածոր խօսքով,
Տիրեցիր նրանց՝ փայլմամբ քո մտքի,
Ու հալածեցիր մարդասիրապէս
Խաւարն անզգայ ու վայրաբարոյ
Լուսազարդեցիր
Քո աշակերտաց բոլլն հրաշագարոյ,
Կանչեցիր նրանց
Բարեբանեալի ձայնով գթասիրտ,
Փարուեցիր նրանց
Մէկ առ մէկ, հերթով
Ու քեզ շուրջ բոլոր
Գրկեցին նրանք,

Որպէս զուարթունք

Իրենց արարչին

Ու բազմաժ փառաց Աթոռի վրայ
Վարդապետեցիր քո զաւակներին,
Կերտեցիր նրանց միտքը դանդաղկոտ,
Հերկեցիր նրանց սրտերն անջրդի,
Եւ տառապելով երկնեցիր երկար
Յորդեգրութեան բազում շնորհներ

Աշխարհ բերելով

Ուսուցանեցիր գրերն հայրենի
Քո զաւակներին առաքելական,
Որ ընթանային գերթ նոր առաքելալք
Կոչմամբ ինքնահաստ ու նուիրական
Եւ չընկրկէին յորձանքից վարար
Ու յարձակումից վայրագ օտարաց

Փնօք ամենազօր հանճարիդ գիւտին,

— Փնօք ամենասուրբ ուսուցչիդ գործին

Աշակերտները քո հոգեղինաց

Իրենց սրտերում քեզ ընդունեցին խորունկ հաւատով,

Լերկ անապատի ծարաւեալների սուրբ աղերսներով,

Իսկ դու հաւատքով ծաղկեցրիր նրանց

Սուրբ երանութեամբ քո ազնիւ բերքի

Եւ պարգեւեցիր ջուրը փրկական,

Որ կարկաչում է վերագոչելով

Իր կանչով գերող, իր ձայնով մաքուր

Ես էլ խառնելով ձայնն իմ այդ հոսքին

Բարբառում եմ քեզ

Աշակերտիմ եւ հետեւիմ

— Փնօք ամենազօր հանճարիդ գիւտին,

— Փնօք ամենասուրբ ուսուցչիդ գործին



ՏԻՃԻՎ

Դու՝ Տաճար, Տաճար,
Դու անճառ խորհուրդ սրբազան գրի,
Դու իմաստութեամբ տնօրինեցիր
Եւ վայելչապէս
Տեառնագրելով
Տառագրեցիր
Հողէ-հրեղէն Այբուբենն հայոց
Մարգարեական քո տեսիլքներով,
Թագաւորական քո հոգածութեամբ,
Քահանայական քո շնորհներով,
Վարդապետական քո իմաստութեամբ
Բարբառն հայրենի երգաբանեցիր
Քո անճառելի լի խոնարհութեամբ,
Քո մենակեացի զօրեղ ճգնութեամբ,
Ողորմածութեան քո պարգեւներով
Դու աշխարհ բերիր քաջալերութեամբ
Աստուածապարգեւ գիրն Ասբանազեան
Դու՝ աստուածամուխ,
Դու աստուածամերձ,
Վայելչութիւնը ըմպեցիր անյագ
Բարեյաղթութեան բոլոր կերպերով
Եւ քո քաղցրատուր սուրբ նուիրումով

Լսեցիր ձայնը երկնից դողանջող
Դու եղար լրումն հայոց սպասման,
Մեր անտանելի ցաւերին՝ բժիշկ,
Մեր տրտմութեանը՝ զուարթ տեսութիւն,
Նաւաբեկութեանն՝ անդորր յուսալի,
Յուսաբեկութեանն՝ ողջույն պատուական,
Մեր կործանմանն՝ փրկութիւն հաստատ,
Մեր եղծուած հոգուն՝ կնիք կենդանի,
Մեր խարխուլ հիմքին՝ խորան սրբութեան,
Զլատուած հօտին՝ մաքրագարդ գլուխ,
Երկփեղկուած մարմնին՝ միութիւն անքակտ,
Մեր խառնակ մտքին՝ օրէնք տեսանող,
Մեր փակուած լեզուին՝ բարբառ քաղցրածին,
Մեր քիմքին՝ բուրմունք անթառամ ծաղկի
Դու՝ կարկաչահոս ընթացք ու գալուստ,
Արքային յղեալ նոր հրովարտակ,
Սուրբ Հայրապետին բացուած քարոզգիրք,
Զինուորականին՝ զրահ-հրեղէն,
Իսկ շինականին՝ օրինանք ու բարիք,
Դու՝ աւետաւոր բարի հրեշտակ,
Դու՝ մոլորեալին եղար առաջնորդ,
Բացեցիր կոյրի աչքերը խաւար,
Կաղին տուեցիր ընթացք ճշմարիտ,
Խուլին տուեցիր ըմբռնելու կերպ,
Իսկ ծարաւեալին՝ ջուր հրաշալի,
Մշտնջենաբուխ աղբիւր կենարար,
Եղար բոլորի փրկութեան ծառը,
Տնօրինութեան հանճար դու եղար,
Անձնաւոր Տաճար,
Տաճար Սրբութեան
Ու հրաշագործ

ԱՄԵՐԱՆ

Դու՛ Աւագան,
Միւռնաթափ քո գրերով—
Դու հեղեցիք շնորհը սուրբ,
Մկրտեցիք ազգն համօրէն
Որդեգրութեամբ Տեառն Յիսուսի
Մաքրողական քո պարգեւով,
Աղաւնակերպ իջմամբ հոգւոյն
Դու զգեցար գիրն Աստուծոյ
Նախ քո մտքում լուսաւորուեց
Աստուածային ծագմամբ խորին,
Յետոյ միայն ծաղկեց-յորդեց
Ու վարարեց սիրտն ամենքի,
Իսկզբանէ նախ մարմնացաւ—

Գիրը հայոց
Քո հանճարի խռով մտքում,
Յետոյ միայն այն տարածուեց
Հոգուդ խորքում,
Ապա՛ սրտիդ մեջ կոհակուեց,
Յետոյ արեան քո հոսքի հետ

Իր հրեղեն վառ մարմնով
Քո հողեղեն մարմինն ամբողջ
 Իր մէջ առաւ
Ու աւարտեց քառասնօրեայ
 Շրջանն իր բարկ,
Յետոյ միայն ցօղուեց խաղաղ
 Քո սրտից դուրս
Ու անձրեւեց նա յորդառատ
Ու բաշխուեց անմնացորդ
 Բոլոր-բոլոր
 Ամենեցուն,
Ու բոլորը մէկտեղ դարձան
Քո գիտութեանն արժանաւոր
 Դու՛ Աւագան,
 Երգ փրկութեան,
Համատարած հնչող-կանչող,
Մկրտութեան սուրբ խորհրդի պատրաստութեան
 Ահեղ գիտակ
 Ամենօրհնեալ,
 Երկայնամիտ,
Այդ լոկ քեզնով, այդ լոկ քեզնով
Եղաւ մեղաց սուրբ թողութիւն,
 Օտար խօսքից
 Ու գրեթից,
 Օտար մտքից
 Ու մեղքերից.
Ով Աւագան ամենաբոյժ,
Դու՛ կարապետ ու անդրանիկ
 Մեր դպրութեան
Ու ծաղկածին մեր քերթութեան



Կանթեղ

Դու՛ նորոգ կանթեղ
Քո անշեջ աչքով .

Սուրբ Լուսաւորչի անմար կանթեղի ցոլքերից սնուած,
Նրա այրումից կրկին բորբոքուած անմեկնելի լոյս՝
Արեւագալի մարմնացող ծնունդ,
Բարկ առաւօտուայ զուարթուն մանուկ
Եւ անդորր օրուայ արի պատանեակ,
Իսկ երեկոյեան՝
Ծաւալուող պատկեր
Եւ այր իմաստուն

Օ՛, շնորհ բարի,
Կենաց կոչումիդ յաւերժ անսասան
Քո զաւակներին դու երեւացիր
Անամպ երկնքի ծագումով անձառ,
Ով փայլակնացայտ
Կանթեղ մեծագործ

Դու կանթեղ, կանթեղ, յաւերժ ճառագող
Լուսափայլ Աստղի հրեղէն խաղով,
Դու՝ վերասրբող անարատաբար
Եւ վայելչապէս բաշխող-շնորհող,
Ով կենդանութեան առաջին թռիչք
Եւ արեգակի հրափայլ ծագման
Չտարուբերուող առաջին ծնունդ,
Ով երկնային Տան բարուք բնակիչ,
Ով երկնային Տան միակ Այցելու,
Երկնի եւ երկրի բարի հաշտարար,
Յաւերժ ճառագող,
Անկէզ ու անշէջ .
Սրբափայլ կանթեղ,

Ինչպէս արեւի փայլը լուսատու
Դու մի դադարիր մեզ լուսաւորել,
Դու երկնից առկախ անշէջ լուսատու,
Դու երկիրն ի վեր արթուն յուսատու,
Յաւերժ հոգածու քո երկրի հողին
Մենամարտելով ընդդէմ խաւարի,
Ընդդէմ բռնութեան ու ընդդէմ մահի
Դու տարածեցիր լույսը քո հոգու
Ու դու յաղթելով զոյգ վիշապներին
Ու բազմահնար նրանց փորձութեանց
Յաղթանակեցիր դու լիագումար
Ու առանց երկտեղ դաշինք կնքելու
Դու հռչակեցիր փառքդ յաղթական
Որով եւ մեք
Փառաւորեմք
Յաղթութիւնը
Քո պատուական



Դու՛ Աշտանակ,
Կերոնաբարձ ու մոմակիր մանկանց փոխան
Յար լուսատու բազմաստեղնեան ..

Դու՛ Աշտանակ,
Բայց ոչ ցցուն մեկ բնանի,
Ոչ էլ ոսկեայ եօթնաստեղնեան
Այլ՝ նոյնաչափ-երեսվեցնեան

Դու՛ ջահավառ,
Դու՛ բազմաչեայ քերովբեից դասի նման
Քո լոյսերով մեզ մօտեցող,

Մենք՝ ջահընկալ,
Ի քեզ անկեալ
Աղերսեցինք պաղատանօք
Ձեռնադրութիւն ջահընկալի
Ո՛վ վեհագոյն պարգեւատու,
Բարձունքներից առաքեցիր սեր ու շնորհ,
Իսկ մենք եղանք ընդունարան
Երեսվեցնեան լի շնորհաց՝

Ո՛վ աշտանակ անշէջ լուսոյ,
Արարչական սիրով լեցուն
Խաւարի մէջ լոյս ծագեցնող
Մեծապայծառ աւետիքով
Օրինեմք զքեզ մեք անդադար
Օրիներգութեամբ հրեշտակական
 Դու Աշտանակ,
 Խաչակրօն,
Աստուածպարգեւ սուրբ խորանին

 Դու Աշտանակ,
 Շնորհաբաշխ,
Հաւատաւոր պարտեզի զարդ

 Դու Աշտանակ,
 Հոգեկրաց,
Վերընկալեալ փառք պատուագոյն

 Դու՝ Աշտանակ
 Առատաբոց

 Դու՝ Աշտանակ,
 Յաւերժ կանգուն

 Հայ դպրութեան
 Սուրբ Սեղանին



ԱՄԳՅՈՎԱԼՆԻ

Դու՛ երկնագոյն ամպհովանի,
Հիւսք երփներանգ,

Ուր բեհեզի ու որդանի շողերն անմար
Խաղ են բռնում Օջականի դաշտերի մեջ
Արագածի ու Մասիսի դէմ-յանդիման,
Շողն են խլում արեգակի,
Հիւսում չքնաղ մանրանկար

Ո՛վ կապտաջինջ,

Ո՛վ մաքրափայլ,

Ով ոսկեթել ու հրաբորբ,
Մաքրահնչիւն, ծիրանափայլ,
Ո՛վ տարածուող ու տարածուն
Անպարագիր ամպհովանի
Ասքանագեան վսեմ ազգի

Ո՛վ առագաստ-ամպհովանի,

Յաւերժ արթուն,

Լուսատեսիլ պաշտպանութեամբ

Ա մպ հովանի

Եւ սիւն լուսոյ

Ո՛վ հայրենի աւանդութեան սուրբ ժառանգորդ,

Նրա ազնիւ վսեմ խօսքի մեծ քերական,

Ո՛վ ճանապարհ անոտնահետք՝

Հրաշալի քո տեսութեամբ —
Դու ձեւեցիր տառերն հայոց
Եւ երկնաձեւ առագաստին
Դրոշմեցիր գունակ-գունակ,
Պսակ-պսակ,
Լուսապսակ,
Ու զօդեցիր փառքն հայրենի
Անճառ Բանին արժանաւոր,
Ո՛վ լուսազարդ ամպհովանի,
Երկնից խորան
Զմայլելի հոգածութեամբ
Քո մէջ առար անմահութեան
Պատկերն անանց
Հրաշագարդ նոր կոչումով
Ու ճշմարիտ ընտրութեամբ
Քարոզեցիր խօսքն անմատույց,
Բայց այս անգամ քո գրերով

Դու առաջին
Սպասաւոր,
Դու՝ առաջին դպիր-գրիչ,
Դու ժիր մշակ, անպարտելի
Քո ուսուցման,
Անմատչելի դաւանութեան
Չնահանջող
Առաջընթաց

Ո՛վ լուսաձեւ ամպհովանի,
Դու երկնային գրերն հայոց
Վար բերեցիր դէպի երկիր,
Ի փրկութիւն քո չարչարեալ
Ու տառագուրկ ազնիւ ազգի



Դու՛ գօտի, գօտի,
Արշալոյսները իրար միացնող,
Վառ համբոյրները իրար ճարմանդող,
Հայկազեան հոգու մտքերն ագուցող,
Իրարու բերող,
Իրար շողկապող
Դու ոսկէ կամար
Դու իմաստացնող հանճարի երկճիւղ,
Իրար միացնող Հայքերը երկու,
Աղօթքին նայուածք պարգեւող հաստիչ,
Համբերութեանը՝ սիրանք ներարկող,
Օտարութեանը՝ ինքնազատութիւն,
Իսկ գերութեանը՝ միաբանութիւն:

Դու առանց լացի
Ու հեկեկանքի
Հայոց հոգիներն իրար միացնող,
Պտոյտ գործեցիր որպէս մի գօտի,
Ինչպէս արեւը երկնակամարում

Հայոց բաժանեալ հողերի վրայ,
Ու զաւակներիդ սիրտը տրտմագին
Փարատեցիր դու խնդութեան երգով,
Առաքելական քո սուրբ հաւատով

Դու քո որբ ազգին
Տուեցիր սխրանք,
Գերագոյն պատիւ,
Անմահութեան տունկ,
Գեղեցիկ անուն,
Փառաւոր պատկեր
Ու իրական զարդ
Հին սխրանքներին՝
Նոր հերոսութիւն,
Մեր անգիր վէպին՝
Գիր-կշռոյթ-ոգի,
Մեռած-թաղուածին
Նոր կենդանութիւն,
Մարտիրոսների
Չարչարանքներին՝
Վարք-գովեստ ու ճառ,
Իսկ ժողովրդիդ՝
Արժանավայել
Մի նոր պատմութիւն

Դու՝ գօտի, գօտի,
Հինը ու նորը
Իրար ճարմանդող,
Արքայավայել,
Ազնուաբարոյ
Նոր պարծանք փառքի



ԵՐԳԱՐԱՆ

Դու վառ երգարան
Անթիլ երգերի,
Բիւր-բիւր ձայների,
Սեղեղիների ու հնչյունների.

Քո սուրբ քահանայք երգաբանելով
Տարածում էին քո ժողովուրդին
Գիրդ փառաւոր,
Իսկ նորագուարձ ժողովուրդը քո
Հայոց աշխարհի դրախտում տնկեալ
Բազմագոյն ակամբք
Առաքում էր քեզ
Աղօթքն իր հոգու
«—Ո՛վ Տարօնածին պարգեւ կենդանի,
Ո՛վ հրաշագեղ ծնունդ փրկական,
Ո՛վ գարնանաբեր հնչում հայրենի,
Քնար քաղցրախօս մեր նոր արթնութեան»:

Քեզ այդպես էին
երգում ու օրհնում
Մանկունք քո երկրի
Եւ քո գրերի

Որովհետեւ դու եղար բարեհամ,
Վտակ բարեհոս,
Որ հորդեց սիրտը
Հայաստան երկրի
Դու վառ երգարան
Անթիւ երգերի,
Խորհուրդ սեփական,
Բերկրանք հրեղեն
Եւ կամք այգածին
Էիր բարեգուծ

Ի յերկիր խոնարհեալ սրբազան Աջով,
Էիր խնամող

Ի յերկիր բերեալ քո շնորհներով,
Էիր կարեկցող

Ի յերկիր բերեալ քո պարգեւներով,
Էիր եւ դու ես

Եւ լինելու ես այժմ եւ յաւէտ



ԽԱՉՎԱԿ

Դու մեր հաւատքի
Խաչվառ սրբազան,

Մեր պատարագի դրօշ-առաջնորդ,
Քո գրով հիւսուած ահեղ խորհրդի
Մեծ պատարագիչ
Ու յար ձայնակցող,
Փրկական օրհնանք
Ու անուշ տաւիղ

Միշտ բարեբանող ձայնով անդադար
Եւ միշտ ունկնդիր սրբութեան ձայնին՝
Յնծութեան երգով քեզ ենք պարտական,
Քեզ՝ հոգեւորիդ,
Քեզ՝ պարգեւողիդ,
Քեզ՝ առաջնորդիդ,

Որովհետեւ դու հիմնեցիր տաճար
Բարձրագույն ձեւով,
Յետոյ հաստեցիր

Օծմամբ քո մտքի
Եւ զարդարեցիր
Անարատ ոճով
Ու կտակեցիր
Քո ժողովուրդին
Եւ այդ տաճարին կարգեցիր փառքով
Գիրն ուսուցանող բազում մշակներ,
Համաձայնեցրիր դասերը նրա
Մէկն ուսուցանող,
Միւսն ուսանող

Ո՛վ վեհ դպրապետ մշտնջենաւոր,
Մշտնջենախօս բարբառ քաղցրաբոյր,
Պատուական գրի դու մեծ տարածող,
Պաղատանացն օգնականութիւն,
Անմարմին խօսքի զինուոր քաջարի,
Փակուած խօսքերի ազնիւ վերծանող

Դու խրախուսիչ, ,
Դու քաջալերող
Ճառագայթարձակ ճշմարիտ տեսուչ,
Կենաց դպրութեան լուսէ մկրտիչ,
Ծովածուփ կեանքի բարի նաւապետ,
Միաբանութեան ամրակուռ խարիսխ

Այսօր մեծապէս
Պանծացեալ ցնծա
Հայաստան աշխարհ,
Եւ յիշատակդ տօնէ սրբութեամբ,
Ո՛վ Տարօնածին անթառամ Պսակ



ԹԱԳ

Դու թագ քարակուռ
Պճնեալ գրերով,
Իսկ ժողովուրդի միակ թագադիր
Դու միակ թագը մեզ ժառանգ հասած
Եւ մեզ կտակուած բարերարութիւն
Նախախնամուած լուսապսակով,
Մեզ արթուն պահող միակ հրաման,
Մեզ զգաստացնող կոչնակ քաղցրալուր,
Հոգու օթեան,
Մտքի տաղաւար

Մարմնով լուսատու
Առ քեզ կոչեցիր զհեռացեալսն,
Քո իմաստութեան բաժակն ըմպելու,
Եւ կախարդելու
Հանճարիդ խօսքով,
Որովհետեւ դու թարգմանել էիր
Գիրը սրբագան ու հնչեցրել
Քո սուրբ բարբառով.
«— Ճանաչել խրատ
Եւ իմաստութիւն
Եւ հանճարի խօսքերն իմանալ»

Առ քեզ կոչեցիր զհեռացեալսն,
Որ մերձենային
Քո սուրբ խորանի փրկական լոյսին,
Առ քեզ կոչեցիր զհեռացեալսն
Քո ծառայական
Աշակերտութան
Առ քեզ կոչեցիր զմոլորեալսն,
Որ դարձնէիր նրանց ընտանի
Ի նոր գիտութան սուրբ ճշմարտութան

Նրանք ունկնդիր
Քո նոր ղօղանջին
Եկան ու հասան տեղիս ցնծութան
Քո իմաստութան բաժակն ըմպեցին,
Եղաւ հարսանիք,
Եղաւ խրախճանք
Մտքի ու Ոգու,
Գրի, դպրութան,
Եւ եղել բարի օրն այդ յայտնութան
Եւ եմուտ գիրը ի Տունս Հայոց
Եւ եղել բարիք
Եղել օրհնութիւն
Եւ ետես Աստուած զգիրն, զի բարի է
Եւ ասաց Աստուած
– Եղիցի
– Ամէն

ՏԻՆՆԵՐ

Դու վառ տաղաւար,
Դու խնամարկող,
Դու ապրեցուցիչ,
Ժամանակների յաւիտենական
Գերագոյն թռիչք,
Քո անչափելի խորութիւններով
Դու մեզ մաղթեցիր մի վառ աւետիս,
Դու մեզ յանձնեցիր պարգել գերազանց,
Մեզ կտակեցիր գիտութիւն անբաւ,
Հողմի փոխարէն՝
Անձրել քաղցրաշիթ,
Զարհուրանքի տեղ
Անդորր զուարթուն,
Թշուառութեան դէմ՝
Պարծանք հոգեւոր,
Անկման փոխարէն՝
Թռիչք երկնասլաց,
Իսկ խաբկանքի դէմ
Անհուն կախարդանք
Ու փայլ յարութեան

Անյայտութեան դէմ՝
տեսիլք մարմնական,
Ընդդէմ մոգութեան՝
մարգարեութիւն,
Ընդդէմ ամլութեան
ու բիրտ ծուլութեան՝
Նախանձայարոյց
ոգի ճգնութեան
Ու պտղաբերման
յարուցեալ ամառ,
Ընդդէմ հերձուածի,
օտար բռնութեան՝
Մաքրարար աղօթք,
ուղղափառ հաւատք,
Պատերազմի դէմ
Նորահրաշ դադար,
Ընդդէմ կործանման
ահեղ յաղթութիւն,
Որ ձգուելու էր
դարեր ու դարեր,
Առանց նահանջի,
առանց պարտութեան

Յորժամ հարսնացեալ գրքերը քո հիր
Միացան սիրով մագաղաթներին,
Ծնուեցին մտքի
Ազնիւ պտուղներ
Եւ թանձրացումը նրանց հուրհրան
Կազմեց Տաճարը
Մեր նոր Դպրութեան



ՉԼՆԳԻԼԿԱԼՏՈՒՆ

Դու՛ զանգակատուն
Քո զանգակներով,
Քո լեզուակներով
Երեսունըվեց
Քոլորն էլ ձայնող, ապրող, շնչաւոր,
Միշտ ախորժալուր ու աւետաւոր,
Իրենց ձայներով հաստատ-հարազատ
Դէպի արեւելք
անվերջ ղօղանջող,
Դէպի արեւմուտք
ղօղանջող անվերջ,
Եվ դէպի հիւսիս
կրկնակի ձայնող,
Եւ դէպի հարաւ՝
եռակի ձայնեղ,
Կանչող,
ծանուցող,
քաջալեր
ձայնով,
Օրհնաբաշխ ղօղանջ,
Անաղօտ պատգամ,

Անվերջ փութացող
Ու չերկնչող
Հգօր արձագանք,
Տնօրինաբար

դու

հրաւիրող

Փարեւի բարբառ,
Սրբափայլ պատգամ

Դու զանգակատուն
Քո զանգակներով,
Քո լեզուակներով
Անվերջ ղօղանջող

Դու զանգակատուն,
Դու չդադարող,
Հեռու ընթացող,
Երկինք բարձրացող

Դեպի արեւելք՝

տարածուող անվերջ,

Դեպի արեւմուտք

անվերջ տարածուող,


Եւ դեպի հիւսիս

ընթացող անվերջ,

Եւ դեպի հարաւ

անվերջ ընթացող

Դու զանգակատուն
Քո զանգակներով,
Դու աւետաւոր
Քո լեզուակներով



Դու՛ գմբեթ երկնի,
Գմբեթ խաչակիր զարդուած տառերով,
Տեղի զուարթնոց,
Փրկութեան փարոս երկինք բարձրացած

Դու գմբեթ անհաս,
Երկնային դրան օթեակ հոգեւոր,
Առաջին լոյսի հրճուանքից արբող,
Նրա ներդաշնակ համբոյրից անխօս
Ինքդ վեհացած,
Ապա լուսարար գգուիչ քո տեսքով
Մեզ ողջույն յղող
Առաջին օրինանք՝

Տեառնագրումիդ մենք երկրպագու՛
Ծնրադիր, խոնարհ,
Հայում ենք դեպ քեզ,
Որ մխիթարես
Եւ լուսաւորես



ՄԿԷ

Դու՛ սկիհ, սկիհ,
Մաքրագարդ ու սուրբ
Դու քո մէջ առար
Քո ժողովուրդի երագները բարկ
Եւ վառ իղձերը նրա սպասման
Նուիրագործման սրբազան դողով
Ազգարարեցիր ծնունդը գրոց
Ու դու բաշխեցիր
Որպէս բաղարջ հաց,
Ջերթ կարմիր գինի
Սուրբ հաղորդութեան խորհուրդի նման
Տառերը քո բորբ՝
Նշխար առ նշխար,
Տառերը քո տաք՝
Կաթիլ առ կաթիլ

Դու՛ սկիհ, սկիհ,
Մատուցարանի գոհար սրբափայլ,

Ընծայարանի խունկ անուշահոտ,
Վերափոխելով խորհուրդը խորին
Մեզ պարգեւեցիր
Համեղաճաշակ
Մասը փրկարար
Դու սկիհ, սկիհ,
Մեր հայրենի տան,
Երկնամերձ, անհաս
Սկիհ սրբազան

Դու հաղորդութեան
Առկուն պաշար,
Մեր ժողովրդին
Սրբութեան պաշտպան

Երկրառաք սկիհ,
Սկիհ երկնագնաց,
Դու առաջընթաց,
Մենք քեզ հետևող

Մեր մտքի սկիհ,
Մեր հոգու հնոց,
Դու անմահարար
Սուրբ Մեսրոպ Մաշտոց



Արշալոյսի ամենաջինջ
Երակի մէջ յար խայտացող
Կարմիր գինի

Սրբագործուած բարկ արեան գոհ,
Սակայն առանց ճենճերումի

Գիշերուայ մէջ խաւարային՝
Պարահանդէս նուիրումի .

Հաղորդութեան սկիհի մէջ
Արին փառաց Տէր Յիսուսի

Մշտահուլով երկնքի մէջ
Յարութեան շող այգաբացի

Երկնից երկիր, երկրից երկին
Քառաթեւեան պատկեր խաչի..

Բարեզարդ սեր հաղորդութեան
Ու միութիւն Ռգու հացի ..

Գինի ծնող, գինի սնող,
Աստուածութեան յաւերժ կանչի

Արշալոյսի ամենաջինջ
Երակի մէջ յար խայտացող
Կարմիր գինի...

Կեանքում յաւերժ սեր բողբոջող՝
Մշտակարկաչ գինի յոյսի

Հաւատ հաստող, սեր նորոգող՝
Մշտայաւերժ գինի լոյսի ..

Դու մշտաշող ու պարգեւող,
Պատարագւող անմեռ գինի .



Դու՛ կենաց ջուր,
Տարօնաբուխ աղբիւր վճիտ,
Ոռոգումով քո մաքրահոս
Ծաղկեցրիր հայոց մտքի
Անդաստանը խոպանացեալ,
Դու մաքրեցիր
Գալարումով քո մաքրաջինջ
Կոհակ-կոհակ,
Հայոց Ոգու հերկն անագնիւ,
Քո մաքրութեամբ արեւաջինջ,
Պայծառութեամբ ասպետական,
Վճիտութեամբ ազնուական,
Համեղութեամբ արքայական,
Կոհակումով խրախճական,
Դու հոսեցիր
Տաճարն ի ներս մարմարակերտ
Եւ հիմնեցիր
Մկրտութեան սուրբ աւազան,
Որտեղ պիտի վերածնուէր
Ազգն հայկազեան
Քո խօսքերով հայրենածին,

Յետոյ պիտի ճակատն օծուեր
Կոհակումով սուրբ միւռնի
Անբիծ, մաքուր ու անաղարտ,
Որտեղ պիտի ազնուանար
Ու պճնուեր ազգդ արի
Վայելչութեամբ միւռնահաստ
Ու խնկապատ ու անպատում
Ելներ մարտի վասն ինքնութեան,
Վասն սիրոյ ու հաւատքի,
Յետոյ տրուեր անմահութեան

Դու կենաց ջուր,
Առատահէղ,
Առատաբճիխ,
Միշտ մաքրահոս ու մաքրաձայն
Հոգիներում մեր անջրդի,
Մենք կարօտող
Ու ծարաւեալ
Քո հեղումին խաղաղարար,
Մենք սպասող
Ու հաւատող
Քո բաշխումին ու վատնումին
Կեանք պարգեւող
Հեղուիր,
Ցողուիր,
Շաղուիր,
Մաղուիր,
Հոգիներում մեր ծարաւեալ,
Ով կենաց ջուր,
Աղբիւր վճիտ
Տարօնաբճիխ



Դու կենաց հաց,
Դու հոգեկաց Հացեկացի,
Դու բաշխուեցիր նշխար-նշխար,
Որպես մասունք հաղորդութեան,
Զերթ լոյսի շող մայր ակունքից,
Որպես օրհնանք խաչի ծոցից


Եղար պայծառ վայելչութեամբ,
Եղար ծորուն հոգեւոր երգ,
Եղար աղօթք դու բարձրագոյն
Խորհրդական եղար արի,—

Խորհրդակատար նորաստեղծեալ,
Հրաշափառ վերադիտող,
Կենդանարար ուսուցանող,
Աքանջելի ծանուցանող

Դու կենաց հաց,
Դու հոգեկաց Հացեկացի,
Դու բաշխուեցիր անմահ հոգով,

Որպէս անձրել գարնանաբոյր,
Որպէս հրճուանք արեգակից
Դու բաշխուեցիր կենդանարար
Ու տրուեցիր նշխար-նշխար,
Սրբացրիր մի ողջ աշխարհ
Սրբացրիր մի ողջ աշխարհ
Կերպարանքով քո մաքրատեսք,
Բուրիւր, խայտա յանձինս մեր,
Ո՛վ կենաց հաց Հացեկացի՝

Ո՛վ կենաց հաց հրաշակերտ,
Ո՛վ սրբութիւն աւետաբեր,
Արքայութեան մեր ձգտումին
Դարձիր պաշտպան ու դարձիր Տեր



Դու աղ կենդանի,
Դու մատակարար,
Դու համեմեցիր մեր սնունդն անհամ-եղծուած-անալի
Եւ պարգեւեցիր ճաշակման հրճուանք,
Որ ճաշակեինք մենք բանք իմաստնոց,
Խորհուրդն արարչի
Եւ տերունական լոյսը փրկարար

Բիւր-բիւր դարերի դու անգիր լեզու,
Բիւր-բիւր դարերի դու անգիր երազ,
Բիւր-բիւր դարերի դու անգիր կարօտ,
Բիւր-բիւր դարերի դու երկունք վառման,
Բիւր-բիւր դարերի անգիր սպասում

Վերջապէս դու քո ծնունդն ունեցար
Հանձարի այրուող արգանդի խորքում
Եւ աշխարհ եկար հանդերձ ոսկեհուռ
Երեսունըվեց մարգարիտներով,
Բոլոր շուրթերին երկրպագելի
Եւ հասանելի սուրբ դաւանութիւն

Դու աղ կենդանի,
Դու մատակարար
Առաջնաճաշակ

Ճոխաբար տրուող, երբեք չհատնող,
Կենսաբեր բերկրանք անվերջ մօտեցող,
Քառակողմ երկրի
Պարգեւ ըղձալի

Դու լուսաւոր արեան երանգ,
Մթուրեան մէջ փայլ-ճառագայթ
Կենդանակիր քո տարածմամբ,
Որպէս նշխար անմահ լուսոյ,
Համեմեցիր ազգդ համօրէն
Աղ կենդանի,
Սերմ ծննդոց
Համայնահաստ



Դու Աչք հսկող,
Քարոզի Բեմ,
Մեծապատիւ քո քարոզին
Ազգն ունկնդիր,
Համագումար իր կարօտով
Նա անյագուրդ
Ճաշակեց քո ազնուական
Շառափները
Ծիրանաւոր
Հանց գեղեցիկ ստիներն անուշ
Ընծայեցիր կաթը բեմիդ
Մաքրամաքուր ու քաղցրահամ
Արբեց ազգդ գինովութեամբ
Աստուածընծայ
Քո խօսքերի օրհնութիւնով
Ու բարբառեց
«— Ովսաննա՛ ի բարձունս,
Օրհնեալ, եկեալ, անուամբ Տեառն »

Քեզ փառք յաւետ
Օրհնեալ կրկին ու վերստին,
Քեզ գոհութիւն
Յամենայնի օրհնաբանեալ,
Քեզ օրհնութիւն
Յաւիտեանս յաւիտենից,
Որովհետեւ
Արթնացրիր քո զօրութեամբ
Ազգդ թմրեալ,
Բազմազեղուն շնորհներով
Վհատութեան դաշտերի մէջ
Տարածեցիր ամենալոյս
Խօսքդ ծաղկեալ
Ու ստեղծիչ
Օրհնեալ ես դու,
Յաւետ օրհնեալ

ԱՏԵԱՆ

Դու լուսաւոր եւ լուսազարդ
Ատեան դպրաց,
Հանդիսարան,
Հաւատարիմ սահման քաջաց,
Բայց ոչ գէնքի ու գրահի,
Այլ դպրութեան,
Վեհ դպրութեան,
Որ մեզ համար հանդիսացաւ
Նոր պատուիրան՝
«— Սահման քաջաց գիրն իւրեանց»

Հայոց աշխարհ
Էիր հզօր դու երբեմնի
Ու վեհագոյն
Ազգերի մէջ հիւսիսական
Զէնքի զօրութեամբ,
Քաջութեամբ տքնող,
Քաջութեամբ յաղթող,
Քաջութեամբ պատուող,
Զի կարգել էիր
Դու քեզ պատուիրան

— Սահման քաջաց

Ջենն իւրեանց

Բայց կոտորուեց կորովը քո
Ու ջարդուեցին զէնքերը քո
Ընդդէմ զօրաց օտարական
Ու դու դարձար թոյլ ու անզէն,
Իսկ մարմնով բաժան-բաժան
Այդ պահին է, որ ճառագեց
Տարօնաժին միտքն հանձարեղ
Աւետելով ամենեցուն

— Սահման քաջաց՝

Գիրն իւրեանց

Ու արշաւեց գիրն հայրենի,
Որպէս դրօշ նոր յաղթութեան
Դեռ մղում է մարտ ու կռիւ
Դաշտերի մէջ մաքառումի

Չի նահանջում մարտն այդ անհաշտ,
Արշաւում է, յաղթում յաւերժ,
Տառերն իրեն դարձնելով վաշտ
Հին դարերից առնում վրէժ



ԽՍՐԷ

Դու սուրբ խորան, սրբատեղի.
Օջականում ի պահ տրուած յարութեան լոյս,
Քէզ, ովսաննա՛
Սուրբ աղօթքով մեր հայրերի ամենիմաստ,
Որոնց հիւսած աղօթքն անսանձ
Կոհակումով բազմախորհուրդ
Սկիզբ առած քո հաւատքից
Տարածուել է
Ու տարածում
Օրհներգի պէս
Մինչ օրն այս սուրբ,
Իսկ օրն այս սուրբ ձգուելու է
Դարերի մէջ անհորիզոն՝
Գաւառ-գաւառ,
Երկրէ-երկիր,
Սուրբ Սրտի մէջ հայոց հողի,
Հայեացքի տակ
Հանձարազգօն,
Միշտ, շարունակ
Միածնատէջ սուրբ խորանի..

Դու սուրբ խորան, սրբատեղի,

Դու տարածուող

Ու տարածուն,

Արշալույսի ղօղանջ անանց,

Հեզահոգի,

Զուարթամիտ,

Օշականից մինչ Հացեկաց,

Հացեկացից-էջմիածին

Փայլ է բռնել տերունական

Խաչափայտը հրաշածին:

Փնռք քեզ, դպիր ու արարիչ,

Ո՛վ գերազանց մեր տառաստեղծ,

Ո՛վ մարգարե մեր սուրբ խօսքի,

Քեզ փնռք յաւերժ, յավերժ փնռք քեզ



ԲԱՆԱԼԻ

Ով բանալի կորովամիտ,
Դու բացեցիր դռներն յուսոյ,
Դու բացեցիր քո տիրական գրերով նուրբ
Անծայրածիր դռները փակ
Ու փոխեցիր վերջալոյսի բոցը մարող
Արշալոյսի արծաթեայ ծով այրուող լոյսի,
Որից վազեց արագահոս,
Համեղաբան
Բարբառն անուշ մեր հայրենի,
Լուսաբողբոջ իր մարմնով վահանազգեստ՝

Ու տարածեց,
Ու տարածեց
Երգը այրուող
Դաշտերի մէջ ոսկեցորեան՝

Դու բացեցիր,

Դռներն յուսոյ,

Դու բացեցիր երկինքը փակ,
Եւ երբ բացուեց երկինքը փակ,
Իջաւ հոգին հրածորան,
Իջաւ հոգին շնորհապերձ,
Իջաւ հոգին պսակազարդ,
Իջավ հոգին արեգնակերպ,
Եւ զարդարեց երկիրն հայոց,
Շնորհներով իր փառահեղ



ԳՈՒՐՎԱՆ

Դու արծաթեայ հնչեղ բուրվառ,
Շանթ բեկանող,
Խաւար ցրող,
Սպառազէն յոյս գեղեցիկ,
Ծանրաբեռնեալ արդարութեան բուրեան խնկով
Յար ծխացող, անկշռելի,
Բիր գինդերի շարանն հիւսող
Բուրմունք անանց
Ու աստղածոր երկնքի մէջ
Պայծառ աստղի նման շարժուող շողուն ընծայ.
Ո՛վ բանհիրուն,
Ո՛վ ճոխիմաստ,
Բազմահազար արշալոյսներ
Դու բորբոքող անշէջ կրակ
Ու անթեղուած կանթեղ սիրոյ
Միշտ պերճօրէն բռնկուելու,
Կամք ինքնածին, մրրկածուփ,
Օ՛, ալեծուփ.
Ո՛վ մշտավառ.
Հնչեղ բուրվառ ..

Քո զնգոցով հրաշանուն
Ու ղօղանջով քո քաջալեր
Աւետեցիր դու ամէն կողմ
Ճշմարտութիւնն ամենաբեր:

Դու վանեցիր օտարութեան
Երկրակրօն ձայները սին,
Խափանեցիր վհատութեան
Չարաբարբառ կեանքը հեշտին

Օրհնեալ, օրհնեալ, յաւետ օրհնեալ,
Ղօղանջներով քո տիրաբար,
Ճշմարտութեան աւետաւոր,
Սիրոյ անափ կեանքի բուրվառ




Քո գաւազանի անեղ զօրութեամբ
Դու հաստատեցիր խարիսխն հաւատոյ,
Որպէս տեսանող՝ քո գաւազանով հրահանգախղձ
Վտակն իմաստից բխեցրիր ցնծուն,
Եւ ցօղազարդեալ տառերն հոգելիր
 Պար եղան զուարթ
 Եւ գեղեցկացան
Հայոց անջրդի դաշտում անապատ,
Եւ ծլարձակուեց՝ ծառը դպրութեան.
 Ո՛վ այր հոգետես,
Քո գաւազանի հիացմամբ հրե
Լոյսի փոխեցիր խաւարն աննահանջ
Եւ արշաւեցիր դու քո տառերով,
 Իսկ քո տառերը՝
 Արբող, լցուցիչ,
 Ինքնիշխան, զօրեղ,

Իսկ քո տառերը՝
Մշտաշարժ, սրբող,
Անայլայլելի, անփոփոխելի,
Կեանք կենդանարար եւ միշտ գովելի,
Իսկ դու դասապետ նրանց ընթացքին,
Նրանց ընթացքին հաստատ, աննահանջ,
Նրանց ընթացքին միշտ առաջընթաց,
Նրանց ընթացքին հրեշտակաթեւ,
Նրանց ընթացքին միշտ վերադիտող,
Ո՛վ այր հոգետես,
Դու Ահարոնի նման գօտեպինդ
Քո գաւազանի ծաղկումին վստահ,
Գործեցիր հպարտ,
Եւ դարձար դու հայր
Վեհ ճանաչումի



ԼՈՒՍԱՄՈՒՏ

Քո միտքն հրատ գերթ լուսամուտ
Մեզ պարգեւեց լուսապայծառ
Գիրն հայրենի .


Գիրն այցելեց
Արագավազ, արագահոս,
Մշտաթրթիռ ու մշտահոս

Գիրն այցելեց
Ցնծութիւնով աւետաբեր,
Նուիրումով հրաշափառ

Դու լուսամուտ
Ու դու պայքար,
Պայքար հանդէպ խաւար նեռի,
Որն իր մթին թոյնով վարար
Փորձում էր լուռ ներս սողոսկել,
Յետոյ փակել դէմքը քո բաց,
Կամարակապ սիրտը քո թաց
Ու կործանէր հոգին քո սուրբ,

Որ աչքերն էլ քո յիրաւի
Չտեսնէին այգաբացի
Գօտեպնդուած վազքը վարար,
 Բայց զհ՛ւր, իզհ՛ւր,
 Դու մնացիր
 Միշտ լազուրում
Լուսամուտն այն բաց ու պատրաստ,
Որ ծարաւ է արշալոյսի
Շառափներին հրաշք այգի,
Երկնի կապոյտ աղօթքներին
Ու Աստուծոյ անեղծ խօսքին

 Դու լուսամուտ
 Երգ քաղցրալուր
Երկրի վրայ երկնքի մէջ
 Անճառ, անսուտ



ԱՍՏԻՃԱԼՆ

Դու, Աստիճան,
Հայրենիքի սրբութիւնը երկինք տանող,
Դէպի երկինք, դէպի երկինք անվերջ ձգուող,
Հայրենի տան
Անաղարտ խիղճ


Հիասքանչ քո ընթացքին
Հրեշտակաց երամն արթուն
Քեզ ունկնդիք ու ձայնակից,
Արծաթաօղանջ օրհներգներով,

Չեղար մոլոր,
Չեղար տոչոր,
Էիր գօրեղ
Ու անմորմոք,

Դու վեր ելար, ելար դու վեր,
Անցար ճամբան տառապանքի,
Մինչեւ հասար դուռն Աստուծոյ,
Ու ձայնեցիր ձայնով արի,
Յետոյ իջար երկնից երկիր,
Իջար խրոխտ հարստացած,
Գօտեպնդուած քո հաւատքի
 Գոռ զէնքերով,
 Որոնք դարձան
 Գիր ու նշան

Ու անթեղած քո մէջ շնորհ
Ամենամեծ նուէրն Աստծոյ,
Դու բաշխեցիր նշխար-նշխար,
Նշխարն անմեռ քո տենչանքի

Ու դառնացեալ հոգուդ խորքից,
Տարածեցիր գրերն հայոց,
Ի փրկութիւն արդար լոյսի,
Սուրբ հաւատքի ու հայութեան



ՄԵԶԻՏՈՒՆ

Դու գանձատուն,
Քո մէջ առար գանձերն հայոց,
Որպէս երկինքն աստեղազարդ
Դու մնացիր յար շողշողուն..

Դու գանձարան,
Քո տառերն են շողարձակում,
Որպէս արծաթ մի մեղեդի,
Մշուշի մէջ քերթողական
Ու լոյս սփռում, երգեր յոյսի

Քո գրերը

Ցոլում են, մնում անկէզ,
Քո սեփական երգի նման
Սուզում խորքը այն սրտերի,
Որոնք մի պահ – վերացումով —
Գէթ ձգտում են քեզ տիրանալ


Դու գանձարան,

Դու քարեղէն ու քարակուռ,
Դու լուսաձեւ ու շողածին,
Դու պատարագ, հաւատքի տուն,
Վո՛ւեմ երգի սուրբ գանձատուն

Դու գանձատուն,
Ամբարել ես քո խցերում
Տառերը քո գոհար-գոհար,
Գրերը քո՝ զմրո՛ւխտ-զմրո՛ւխտ,
Տառերը քո սուտակ-սուտակ,
Գրերը քո արծաթ-արծաթ,
Տառերը քո ոսկի-ոսկի

Դու գանձատուն
Չնաշխարհիկ մեր հին երկրի,
Մեր ալեւոր հայոց հողի,
Քո տառերը,
Ջերթ հաւատքի առաքեալներ,
Քո գրերը,
Ջերթ կերոններ այգաբացի
Տարփողում են արշալոյսը
Հայ դպրութեան
Ու հաւատքի

Դու գանձատուն,
Գանձասփիւռ,
Արշալոյսի ու օրհնանքի



ԽՅՆԿԱՄԱՆ

Արշալոյսների բողբոջ աչքերից
Մաքուր արցունքներն ի մի բերելով,
Կապոյտ երկնքի ճերմակ դաշտերից
Ծաղկաթերթերի բոյրը արձակեալ
Քո մէջ առնելով
Դարձար խնկաման

Դարձար խնկաման
Ու տարածեցիր բոյրը քո անուշ
Առաւօտների թարմ շողերի հետ,
Արշալոյսների օծեալ ճակատին
Դրոշմեցիր վառ
Հաւատամքը քո
Որ գիր էր ու տառ

Խաւար դաշտերում մեռնող ու անշունչ
Դառնալով պատգամ ու Աստուածաշունչ
Նախ տալով մէկին՝ հաւատք ու օրհնանք,
Միւսին՝ գրիչ, մագաղաթ ու գոյն,
Մէկին՝ տքնութեան համբերող ոգի,

Միւսին՝ վսեմ տառապանք արի,
Մեկին՝ փորձութիւն, յաղթանակով լի,
Միւսին՝ պայքար, սեր, քնքշանք, գինի
Այսպէս ամենքին
Բաշխեցիր շռայլ,
Ինչ որ ունէիր քո խնկամանում՝
Սէր, հաւատք ու յոյս,
Որ կեանքը հայոց քաղցրիկ աշխարհի
Դառնար գեղեցիկ, դառնար լիայոյս,

Որ էլ ամպերը
Հայոց աշխարհում
Չմթագնէին
Եւ չդառնային
Սոսկ կարկտաբեր

Ինքդ անսպառ,
Ինքդ՝ զոհաբեր,
Դարձար աշխարհիդ թագաւոր ու Տէր՝
Քո լուսապսակ
Տառերի գնդով




ՍԱՀՄՈՍԱՐԱՆ

Դու սահմոսարան,
Դաւթի քաղցրալուր ու քաղցրանուագ
Սահմոսների հետ անվերջ հոլովուող

Հսկայ արծաթեայ տաւիղ քո ձեռքին
Դու հնչեցրիր սահմոսները քո
Հայրենի երկրիդ եզերքներում մով
Ու ցնծաց ծաղիկ
Երկիրը հայոց —
Ու քո արիւնոտ
Երկիրը դարձաւ
Դրախտ ծիծաղկուն,
Ակունք ցնծութեան

Եւ դու երգեցիր
Քիւր-քիւր սահմոսներ
Քո տաւիղի ձայնը անուշ կարկաչուն,
Քաջարի այրին պարգեւեց կորով,
Նորածին մանկանն՝ արեւբոյր կարօտ,

Նորահարս կոյսին՝ մայրանալու ձիրք,
Իմաստուն արանց՝ տեսանելու կարգ,
Փափկասուն տիկնանց՝ սեր գորովագութ
 Եւ քո տաւիղը
 Հնչեց զրնգուն
Եւ քո տաւիղը հնչեց զուարթուն
 Եւ այդ հնչումին
 Արձագանք տուեց
 Ժողովուրդը քո
 Խնդութեամբ անծիր,
Եւ քո տաւիղը հնչեց զրնգուն
Եւ քո տաւիղը մնաց կենդանի,
 Զերթ Ուխտի նշան
 Կնքուած քո միջեւ
 Ու ժողովրդիդ



ՎԱՐԱԳՈՅՐ

Զինակոչումով քո բորբ գրերի
Դարձար վարագոյր
Ընդդէմ մահաբեր վայրագ հողմերի
Եւ պաշտպանեցիր,
Պատսպարեցիր
Քո զաւակներին

Իսկ վայրագ մահը ալեբախումով
Թակում էր դուռը քո սուրբ երկրի,
Իսկ դու՝ աւետող, ընթացար խրոխտ,
Դարձար պահապան քո կամքով դիւցազն,
Վարագուրուեցիր ու դարձար վահան,
Յաղթեցիր մահուան պատկերին դժնի,
Պատռեցիր նրա սիրտը ժանտաժանտ,
Որ թոյն էր թորում գիշեր ու ցերեկ

Վարագուրուեցիր վասն քերթութեան
Վասն դպրութեան
Ու գեղեցկութեան՝

Վարագուրումով քո մտածումի
Լուսաւոր դարձաւ ձգտումը հայկեան,
Անցեալը դարձաւ ներկայ հաւատքի,
Ներկան գալիքի լուսաշող ճամբան
Քո տարածումին անծիր-անսահման,
Անծիր-անեզերք-անդարձ ձգտումին
Քո ժողովրդի երգն Աղօթական
Դարձաւ հաւատամք խրոխտ յուսածին

Դու բորբ վարագոյր,
Պարսպի նման
Բարձրացար անկանգ,
Ձգուեցիր անդարձ,
Քո հայրենիքի
Փրկութեան համար



Դու լոյս նշխար,
Քո ճոխութեամբ զարդարեցիր
Խօսքը հայոց
Եւ պանծացրիր արժանաւոյն
Քո գոհութեամբ
Տունն հայկազեան վսեմ ազգի:

Դու սուրբ նշխար
Բարեհոշակ սփոփութեան,
Համբուրելի
Դու կենարար վեհ տեսութիւն՝
Նշխար յուսոյ,
Դու հեծութեան վախճան անեղծ՝
Նշխար լուսոյ,
Բժշկութեան սուրբ քաւութիւն՝
Նշխար կենաց,
Դու բարեգութ ու ահաւոր՝
Նշխար զօրեղ,
Դու անքննին ու պարգեւող՝
Նշխար տուիչ,

Սեպհականեալ գանձ անքննին՝
 Նշխար պատուեալ,
Դու բարութեան լոյս յամեցող՝
 Նշխար մտաց,
Դու սուրբ նշխար հրաշագործ
 Նշխար գաղտնեաց,
Ձրի պարգեւ ու կեցուցիչ՝
 Նշխար տեսող,
Դու բարեգործ ու երկնաւոր՝
 Նշխար գութի,
Բժշկութեան ցաւ փարատող
 Նշխար կրից,
Դու քաւութեան պաշտպանութիւն՝
 Նշխար վերին,
Դու ճշմարիտ ընթացք բարի՝
 Նշխար քաւիչ,
Խորհրդական ողորմացող՝
 Նշխար ելից,
Կենսագործող ու խնամող՝
 Նշխար փրկիչ

Դու մերձաւոր,
Դրախտաւոր,
Քո մէջ առար
Մի ողջ աշխարհ



ՄԻՒՈՒՆԸ

Քո անճառելի գրերի գիւտով
Դու զարդարեցիր վերնատունն հայոց,
Գրերը հայոց
Դարձան բալասան
Մաքուր, անաղարտ,
Համեմուած անբիծ ծաղկանց բոյրերով,
Խառնեցիր հրաշք արարման իւղին
Եւ քո սրբազան Աջի օրհնութեամբ
Դարձրիր սուրբ միւռն
Իւղ անուշահոտ
Եւ այդ փրկարար լուսաւոր իւղով
Օծեցիր հերթով ճակատն ամենքի,
Վրան դնելով կնիք տերունեան
Եւ այդ օծումով վէս, հայադրոշմ,
Կնքեցիր հերթով
Բոլոր-բոլորի
Զգացողութեան կէտերը ամեն,
Որ դառնան պատճառ բարեգործութեան

Օծեցիր հերթով,
Օծեցիր իւղով,
Օրհնեցիր սակայն հայոց գրերով
Եւ այդ գրերի լուսէ խայտումով
Կազմեցիր հայոց ծիսարանն հարուստ,
Որ դարեր յետոյ
Արժանավայել
Անունդ պիտի
Սրբօրէն կրեր

Օ, միւռնաբոյր Մաշտոց-ծիսարան
Հիւսուած գրերով անվնասելի,
Դու խորհուրդների խորհուրդն ես անանց
Ու լուսանորոգ երգը հայութեան

Դու բժշկում ես խեղճ հիւանդներին,
Քաւում ես մարդկանց մեղքերը դժնի,
Սփռում ես շնորհք, պատուաստում հաւատք,
Հաստատում ես սէր, լոյսի պէս բարի

Բուրում ես, բուրում, բոլոր սրտերում,
Պարգեւում կեանքին լոյսը հանապազ,
Որպէս գեղեցիկ մեծ վայելչութիւն
Բուրում ես, բուրում, բոլոր սրտերում

Բուրում ես, բուրում, բոլոր սրտերում,
Որպէս օրհնութիւն, լուրթ խաղաղարար,
Որպէս կեանքի երգ ու սէր յարութեան
Բուրում ես, բուրում ու չես սպառում

ՄՐԲԱՏԻՆ

Դու կեանքում եղար
Հրաշք Սրբատուն,
Լեցուն սրբերի կատարեալ կեանքով,
Ֆուհրեալների վառ աղօթքներով,
Մարտիրոսների սրտայոյզ երգմամբ,
Առաքեալների
Նուիրուածութեամբ


Դարձար Սրբատուն
Ու քո մէջ առար
Հայոց գրերը՝ օրհնութեամբ լեցուն,
Ի երջանկութիւն քո զաւակների
Դու տարածեցիր գրերն հայրենի,
Ինչպէս արեւն է
Տարածում իրեն,

Ինչպէս երկինքն է
Բուրմունքն իր սփռում
Կանաչ դաշտերին ու լճերին լուրթ,
Ինչպէս ծառերն են արձակում ճիւղեր
Եւ ծաղիկները ցօղ ու արցունքներ:

Այո, բաշխեցիր,
Որ անմահանաս
Ինչպես ցորենի
Հատիկը մեռնող
Բազում արդիւնք է լոյս աշխարհի բերում
Բաշխեցիր հայոց գրերն հայրենի,
Որ չմնային տխուր, անթուվչանք,
Անսէր, անտերունչ
Մենակ ու լքեալ

Եղար Սրբատուն
Հարուստ ու չքնաղ,
Բայց լոկ գրերով վճիտ ու ծաղկող
Մարգագետնի մէջ հայոց աշխարհի
Ուխտաւորի պէս միշտ երկինք նայող
Սրբատուն եղար
Գրերի համար

Ու մեզ դարձրիր
Քեզ երկրպագու



ՕՏՆՅ


Իսկ քո տառերը
Ծնծղաների պես
Աւետում էին
Երեսունըվեց
Տարբեր ձայներով
Նոյն աւետիսը
Հայոց փրկութեան

Քո ծնծղաների
Չայնով դիւթական
Մերձեցար հայոց
Տաճարին անգիր
Եւ մատուցեցիր
Անգոհ պատարագ
Եւ խնկարկեցիր
Բոյրը փրկական

Ու պատարագեց
Գրերիդ լեզուն
Հայոց տաճարի
Անգիր խորանին
Ու դարձաւ նշխար
Սուրբ հաղորդութեան
Գրերիդ բոլը
Լուսաւոր փայլմամբ
Եւ սրբագործեց
Խորանը վառման
Դարձնելով գրի
Սրբազան խորան

Եւ պատարագը
Հայոց գրերի
Զուարթ կարկաչեց
Հայոց աշխարհում
Եւ լցրեց մարդկանց
Սրտերն աւիւնով
Անմահ արարչին
Փառաբանելու

Իսկ քո գրերը
Դարձած պատարագ
Լոյսի շողեր են
Արարում անվերջ
Ու մեզ պարգևում
Ապրելու ՀԱՒԱՏՔ,
Կեանքը ապրելու
Աստուածային ՅՈՅՍ,
Փրկութիւն հայցող
Դրախտային ՍԷՐ:



Քո հրաշագործ տեսիլքով պայծառ
Դու երգակցեցիր Արարչի փառքին,
Ո՛վ արդար ծնունդ՝ բոցեղէն փայլմամբ
Դու քո գալստեամբ վերափոխեցիր
Մեր արքայական փայլը հրածին,
Ո՛վ սուրբ Արարչի խորհուրդ թանձրացեալ:

Մենք երգ ենք հիւսում, վարք, աղօթք ու գանձ,
Ո՛վսաննա ձօնում քո սուրբ հանճարին,
Իսկ քո գրերը համեղաճաշակ—
Մենք վայելում ենք ցայսօր խնդուրեամբ.
Քո վառ տառերը՝ ողկոյզներ հիւթեղ,
Ապրելու ձիրք են մեզ միշտ պարգեւում:

Այսօր դասակից գնդին զուարթնոց,
Քեզ մատուցում ենք բանաւոր հրճուանք,
Ո՛վ ազատարար օրէնսդիր հայոց—
Մեր տանջանքների ու մեր գերութեան,
Ո՛վ յարուցեալ հայր, մենք միշտ ծնրադիր
Քո սուրբ Խորանին երգերով մեր վառ.

Օգոստոս-Նոյեմբեր 1988

Ս էջմիածին



ԲՈՎԱՆԴԱԿՈՒԹՅՈՒՆ

Նախերգ	5
Մուտք	6
Տաճար	8
Աւագան	10
Կանթեղ	12
Աշտանակ	14
Ամպհովանի	16
Գոտի	18
Երգարան	20
Խաչվառ	22
Թագ	24
Տաղաւար	26
Զանգակատուն	28
Գմբէթ	30
Սկիհ	32
Գինի	34
Զուր	36
Հաց	38

Աղ	40
Բեմ	42
Ատեան	44
Խորան	46
Բանալի	48
Բուրվառ	50
Գաւազան	52
Լուսամուտ	54
Աստիճան	56
Գանձատուն	58
Խնկաման	60
Սաղմոսարան	62
Վարագոյր	64
Նշխար՝	66
Միւռոն	68
Սրբատուն	70
Ծնծղած	72
Վերջերգ	75

Խմբագիր՝ **Գ. Ա. Օհանյան**

Գեղ. խմբագիր՝ **Խ. Զ. Հակոբյան**

Տեխ. խմբագիր՝ **Ա. Ն. Գյուրջյան**

Վերստուգող սրբագրիչ՝ **Է. Ա. Սեդրակյան**

ИБ № 582

Հանձնված է շարվածքի 19 11 90 Ստորագրված է տպագրության
18 02 91 Չափսը 70X90^{1/32} Թուղթ օֆսեթ Տառատեսակ «Արա-
րատ» Տպագրությունը օֆսեթ 2,93 պայմ տպ մամ 2,5 հրատ
մամ Տպաքանակ 10000 Պատվեր 98 Գինը 1ռ 50 կոպ

Издательство «Аревик» Ереван 9 ул Теряна 91

«Արևիկ» հրատարակչություն Երևան-9, Տերյան 91

Շարված է ֆոտոշարվածքի արտադրական կենտրոնում Երևան-9,
Տերյան փող 89

Набрано в фотонаборном производственном центре
Ереван-9 ул Теряна 89

Հայաստանի Հանրապետության Նախարարների Խորհրդի մամուլի
կոմիտեի Հ Մեղապարտի անվան պոլիգրաֆկոմբինատ Երևան-9,
Տերյան 91

Полиграфкомбинат комитета по печати при СМ
Республики Армения Ереван ул Теряна 91

